



Die Kronungsgeschē zu Ach König Carolo



[1520]

Ernembt auff das kurtzest beschreibē die einbelay  
**U**nd die einreyten / vnd die Krönung Römischer  
vnd Hispanischer Königlicher Maiestat zu Aich  
beschehen im October / im M. D. vnd / xx / jar. An  
fenclich ist die Römisch Rō. Maiestat vnser aller gnedigis  
ster herr den. xxi / tag Octobris für Aich in das veldt gezogen /  
mit im bis in die zwaytausent pferd wolgerüst / darumbter  
bey den vierhundert kuirrissern dermassen staffiert guldin sil  
brin vñ seyden parschen / mit klaidern / schmucken / federn / vñ  
alles das so zu kostlichait dienen mag / der gleichen glaub ich  
auff erden nye sey gesehen worden. Auß demselben geraisigē  
zeitig hat ir Maiestat zwü ordnung gemacht / vñ in der mitte  
ain hauffen außgelesner gütter knecht bis in die drey tausent  
die mit ainer schlacht ordnung zwischen baiden hauffen der  
geraysigen gestanden sein. Da nün die Churfürsten hinauß  
gezogen kamen / sonderlich der von Coln / pfaltz vnd Thier  
wolgerüst / haben sy auch ire hauffen zesamen gethan / vñ in  
ain ordnung vergleycht / also sein die Rō. Maie. in irem kuir  
riß / auch die Churfürsten / vnd fürsten all der gleichen in iren  
kuirrissen zusamen geruekt / aneinander empfangen vnd züge  
sprochen / Als nün die empfangung ir ende erraichet / richtet  
man sich zu dem einzug / betten die Sächssischen / vnd Herz  
zog von Gülch ainlanngen streit mitainander des vorzugs  
halben / dan die Sächssischen vermainten / er gehört inen zu  
von wegen ires herren der da wer ain Marschalck des Rō  
mischen Reichs. So vermaint der hertzog von Gülch / er  
were des Reichs vogt über die stat Aich / deßhalben pillich  
er den vorzug hette / kunden sich nit vergleichē. Also wurde  
zu vorderst geordnet die Fußknecht / die zügen in der ordnung  
ein / auff sy / die von der stat Aich / nach inen der hertzog von  
Gülch zumal gantz wolgerust. Darnach verzoch es sich

lang das nyemandt kam / über ain güte weil erst die Sächsische / auf sy die Brandenburgische / dan die zwen fürste Sachsen vnd Brandenburg warn in aygner person nit verhandt. Nach denen des Bischoffs von Mentz vnd Trier / Zulest des von Coln zeitig / vñ darauff der Röm. May. Kürrißer vñ herrn mit trefflicher anzall der gleychen köstlichkeit. vñ wv sy herfür gestrichen seind / ist nit zū beschreyben / kan nit versteen / wie man es mit pferden / parschent harnasch vnd klaidern / köstlicher / zierlicher vñ schöner erdencken möcht / auff die selben der von Roß granmaister vnd vor im nit lang der Röm. May. teutsch trummetter / Nach in der Röm. Röm. M. Stall / wie die selben pferd vnd knaben so darauff sassen mit köstlichkeit sein staffiert gewesen würde anzuzai gen zū vil vñ lange weyl nemen. In summa da ist nicht vnder lassen worden / were wunder dar von zū schreyben. Darnach acht heroltē / die seind biß für dz Kathauß gerittē / da selbs stil gehalten vnd gelt ausgeworffen mit den Trummetern. Darnach wider hindersich zū der Röm. May. Nach dem selben die Proceß / vnd kayser Karls haubt. Darnach die grossen herren auß Hispanien / Neaplaß / vnd Būrgundi all Kürrißer / auff die der Röm. May. welschen Trummetter / vñ hernach die fürsten / als Braunschweyg / Negelburg / Brandenburg / all jung pfalzgraffen vnd ander meer. Auff die selben die Chūrfürsten Pfalzgraffe Sachsen / vnd Brandenburg Nach den der Bischoff von Thier allain / auff in der Marschalck von Bappenheim mit dem schwerdt. Darnach die Röm. Mayestat auff ainem schönen verligerten hengst in seine ganzen Kürriß / gelaubt entlich / das jr May. ain schönen Kürrißer gibt / vnd mit allen dingen köstlich gezirt / das daran nichts abgangen noch geprochen hat / wie man das auff das aller zierlichst erdencken hat mögen / Zū seiner rechten handt

der Erzbischoff von Coln/ als an diesem ort zu der Cron ge  
hort der obist auch in seinem ganzen kurriz. Auff der linckē  
handt der Erzbischoff von Mentz wie ain Cardinal in sey  
ner habit. Zu nächst auff in der Istherickho allain ann statt  
des Königs vō Behem. Nach dē die drey Cardinal Saltz  
burg/Walliss/vñ Thalleren. Auff die/die andern gaistliche  
fürsten. Vnd ritt darnach der Kö. maie/ hertschier bey hun  
dert pferden. Nach der selben das gemain volck. Also hat jr  
Kö. maie. mit grossen triumph vnd eren den einzüg gethan  
biß in vnser lieben frawen kirchen Da selbs jr Maiestat ab  
gestanden in die kirchen gangen/vñnd mitten auff dem stain  
vnder der Königlichen Cron in irer maiestat kurriz Creutz  
weiss nidergelegt/haben dy bischoff ob im gesungen. Dar  
nach sy drey die Erzbischoff vnd Chürfürsten wider auff  
gehebt. vñ vor vnser frawen altar nider gekniet/ biß das Te  
deum laudamus ain end gehabt hat. Nach dem habē in die  
Chürfürsten in die Sacristey geführt/da selbst müst er Rati  
ficirn die artickel inhalt irer freyhait. Da das alles geschehē  
ist/ sein sy wider herauß gangen vnd auff die pferdt gesessen  
mit irer maiestat in die herberg gezogen. Also hat der einzüg  
sein end. Vnder das thor hat mā ein grossen man pracht/dar  
innen ist ainer gangen vñ gemacht wie der heilig kaise Carl  
gewesen ist mit der kayserlichen kron, vñ der den Adleer vor  
nen vnd hinden an/im/der ist der Königlichen maiestat vn  
der das thor entgegen komen/in zu entpfahen. Darnach die  
Proceß/vñ des heyligē kaiser Carls haupt hymnach getragē  
¶ Am morgents darnach den. xxij. tag Octobris zu. vj. vñ/  
zugen die drey gaystlichen Chürfürsten in vnser lieben frawē  
kirchen/ da wurden vor vnser frawen altar ain prugk dreyer  
staffelen hoch auffgerichtet/dasselbst man ein stül mit gulde  
tuch überzogen/vnd ainen hymel oben daruber/ vnd bereit

den altar was zü der mess gehor/ Die drey Erzbischoff vñ  
Churfürsten legten ire Pontificalia an/vñ schickten sich mit  
allen dingen was not w3. Bald nach sibem vñ/kam die Ko.  
maiestat zü der kirchen in ainem grossen gulden mantel mit  
härmle vnder zogen/vnd grossen goller wie ein Erzherzog  
von Osterreich/vnd nit wie ein konig von Hispanien gekley  
det/giengen im die drey Churfürsten in iren Inselen vñ für/  
mänteln mit der Proceß entgegen biß vnder die kirchenthür  
vñ gesegneten in ein wie ain praut. Darnach namen in baid  
bischoff Coln vnd Nenz vnder die arm vñ der von Thier  
gieng vor ir maie vñ die andern Churfürsten fürte in also in  
die kirchen/het an dem mantel ein langen schwantz/ den trü/  
gen im drey nach/vñ fürten in zü vnser frawē altar/da kniet  
er lang dz sy über in lasen. Nach dē hūbē sy in auf vñ sazte in  
auf ein sessel/vñ sazte im dz Erzherzog heuble auf. Da nūn  
sollichs beschach stumdt der von Coln vber den altar/das  
ampt zū singen. Da nūn das Kyrieison vnd ander gesang  
biß zü der Epistel aus w3/do hūbē in beyd bischoff/Nenz  
vnd Thier auff vñnd zogen im sein Erzherzogisch habit  
aus/vñ fürten in für den altar/vñnd legten in fürwertz auff  
das antlitz/sungen vnd lasen die Letaney/vnd was darzū ge  
hort. Fürwar lang darnach hūden sy an im wider auff/da  
kniet er nider vñ lasen aber lang über in/nach dez selben thāt  
man in auff vnd entplöst ir maiestat. Die andern zwen Erz  
bischoff thāen alle ding mit im im anlegen/abziehen/nider  
legen/aussteen/knien/vñ alles anders was darzū gehort. Da  
nūn ire maiestat gesalbt/vnd der actus verpracht ward/für/  
ten in die zwen Churfürsten in den sagerer vnd wūschen im  
die ölung widerumb ab. Da nūn sollichs auch beschehē w3  
fürten sy in widerumb heraufs für den altar vñ legten im an  
kaysers Carls lehen gewandt/die weyssen schlich/ain alben  
Epistel rock/stoln/vnd Chormantel. Darnach gaben sy im

das schwert in die handt / vñ namens im wider dar auß / vñ  
gaben irer maiestat das Zepter in die recht / vnd den apfel in  
die linck handt. Da ir maiestat nū sollichs alles verpracht  
mit vil lesen vñ singen / so dar zwischen geschach / da müst er  
wider für dē altar widerkmen / vñ die königliche kron empfa-  
en. Darnach hūben in baide bischoff widerumb auff / vnd  
gaben das Zepter dem Marggraffen / den apfel dem Pfaltz-  
graffen / vñ das schwert dem Marschalck von Bappenheim  
vñ tratten von dem altar hinder sich / vñ setzten in wider auf  
den stül wie aynen Römischen vñ gekrönten künig / der von  
Nentz vñ Thier yeder auff ainer seyten neben im. Da hūb  
man die Epistel zū singen / pracht im der von Nentz ein pūch  
dar auß müst ire maiestat die Epistel lesen. Da sollichs ge-  
than was / namē sy ire maiestat vñ fürten in durch die kirchē  
giengen vor irer maiestat die acht heroldten / Chūrfürsten /  
vnd der Marschalck mit kayser Carls schwert biß zū der stie-  
gen die oben auff den gangg geet / da der stainen kōnigs stül  
steet / vñ fürten in hynauff / vnd setzten ire maiestat in Kayser  
Carls künigs stül vñ lasen aber lang ob im. Da das selb auß  
wz waren der Kō. mare. vñ vil ander fürsten Trūmeter da /  
die pliesen auff. Darnach hūb man an das Te deum lauda /  
mus zū singen. Da sollichs ein end hett / nam die künigliche  
maiestat kayser Carls schwert in die hende vñ schlug Ritter  
der selben vill mit grossen getreng. Darnach hūben in die  
Chūrfürsten wider auff / vñ fürten sein maiestat hynab wie  
hinauff. Da ir maiestat mitten in der kirchen vnder der kron  
dar auff die liechter steckten / da müst er wider still steen / vñ  
gaben im das schwert abermalen inn die handt. Nach dem  
fürten sie in wider für den altar / vñ setzten in inder da schlug  
er wider ritter. Also sieng man dz Euangeliū an stündt er vñ  
vñ hört das ganz ampt aus mit grosser vñ zierlicher andach  
Da der Bischoff von Coln sumiert het / da fürten in baid bi



schoff wider zū dem altar/vñ knieten mit im nider/da empfi  
eng jr maie. außs den hendē des bischoffs von Coln dz hoch  
wirdig sacrament. Darnach hūben in die bischoff wider vff  
vñ fürten in zū dē stūl da jr maie. vñ andre Chūrfürstē sassen  
Also hört er das ampt außs. Zū der Eleuation/ Vñ da er das  
Sacrament empfieng/thet jr maie. die kron ab/sunst het er sy  
stets auff dem haupt. Da das ampt verpriacht was/giengen  
die Chūrfürsten in die Sacrastey/die weil sy sich aufstetten/  
vnd ire Chūrfürsten klaiden anlegten/schlug jr Maie. aber  
Kitter. Darnach giengē sy herauß/ außs dē Sagerer/ vñ nam  
men die künigklich maiestat mit irem lehengewandt vñ kron  
auff dem haupt/vñ fürten jr maiestat auß der kirchen/ vnd  
giengē all zū fuß mit grosser magnificentz/ der von Coln als  
an disem end der oberist/vnd der von Nenz fürten in / vnd  
ein yegklicher Chūrfürst in seinē ampt/ mit apfel zepter / vñ  
schwert vor inen/all Trummetten vñ acht heroldt/mit einer  
sollichen köstlichait/als man nie gesehen hat. Vñ fürten jr  
maiestat auff das Rathauß. Zū dem morgen mal da was zū  
gericht ain tisch der König. maie. zū vorderst wol acht stas  
pfel hoch mit köstlichem guldin himel vñ taparey überzogē  
darneben ein Credentztafel mit köstlichen guldin vnd silbrin  
geschiren vñ schöner ain kirn/viere/darnach zū bayden seys  
ten herab von Kö. maiest. tisch / auff yeder seyten drey tisch  
den sechs Chūrfürsten vñ gleich gegen königklicher maiest.  
über vor irer maiestat tisch/ die staffel herab dem vō Thier  
auch ein besondern tisch. Nach dem selben mer etlich tisch  
wol hinab für etlich fürsten/die von Nürmberg/ Ach/ vnd  
andern/so nach ordnung des Reichs da sein sollē/die waren  
all gedeckt/vñ ein yeder Chūrfürst sein sondere Credentz vor  
dem essen/Vñ ee die königkliche maiestat zū tisch sass/ gieng  
des Reichs Marschalck hinab auf den plaz/do het mā eine  
grossen hauffen habern geschüt / da sass er auff ain Ross/

vnd het ein silbren futtermas in der handt. vnd ein abstreich  
ding/vñ Ritt in dē habern hynein so tieff/ das er auff dē roß  
den habern auffschopff mit dem futtermas/vnd strichs ab/  
darnach wider herauß/do mocht ain yeder nemenn wer da  
wolt. Mügt jr gedencken wie ein reissen vmb den habern ge  
wesen ist. Also begund die Kō. may. zū tisch sitzen/ da pracht  
ir maiestat die potschafft von Brandenburg das wasser/die  
hände zū waschen/ saß ir maiestat in dem lehengewand vnd  
kron zū tisch. Als nūn ire maye/zū tisch gefessen was/kamen  
all drey Churfürsten Nienß/Coln vnd Trier mit einander/  
vñ presentierten der Kō. maye. ainen langen silbrin stag/vnd  
die sigel/das legt man ir maye. auff den tisch. Darnach setzt  
man die kron vñ apffel darneben auff den tisch/dan die kron  
was zū schwär das gannz mal darinnen zū sitzen. Aber das  
schwert vnd zepter hielt man seiner maiestat stets vor. Der  
Pfaltzgraff/vñ ander Chu. fürsten giengen nach dem essen  
vnd des Reichs marschalck vor inen / vnd als er die stiegen  
herab kam saß er auff sein roß / vnd rayt in das ander hauß  
da die kuchen was. Nam zway essen auff ainander/vnd setzt  
sich wider auff dz pferdt in seinen Churfürsten klaydern/vñ  
füret dz essen also auff den pferden biß zū der stigen des Kat  
hauß/gieng auff yeder seyten ainer nach im/das Roß zū zer  
men vñ des Reichs marschalck vor dem pferdt/ vor demsel  
ben vil von Fursten/Graven/vñ herrn. Auch der Kō. may  
vestat Truneter Teutsch vñ wälsch/als er zū der stiege kam  
saß er ab vñ trüg die essen hynauff mit grossen triumph/vñ  
setzt die auff der Kō. Maie. tassel/Marggraff Casimirus vñ  
Brandenburg/schmid der Kō. maie. für/der gab dem Pfaltz  
graffen die essen zur Credentzen. Also sassen die Churfürsten  
all nider ain yeglicher an sein tisch / des gleichen ander fürs  
ten vñ herrn die dar zū gehörten / ain yeder wie er geerett  
was. Als die Kō. Maie. ain wenig geessen het/gieng schenck

Sur von Limpurg vmb den wein an statt des Königs von  
Behem/mit im hertzog Friderich Pfaltzgraff vnd drey bes  
melten von Limpurg der Kō. maie. zutrincē/nach dem gien  
gen vil weltlicher fürsten nach dem essen vñ trügen dz ganz  
malzeyt/vnd alle zeyt die Trummeter vor jnen/vñ warn ge  
ordnet hundert essen/allweg zehen essen mit ainander auff ze  
tragen auff ainen yeglichen tisch. hertzog Friderich pfaltz  
graff dienet die ganz malzeyt mit dem wein. Also saß die Kō.  
maie. vñ die Chürfürsten in iren Pontificalien dz ganz mall  
hinauß/vnd die Kō. maie. pracht aynem yeden Churfürst  
ainen trunck/gar mit ersamer Reuerenz. Vnd was man für  
essen auff hüb/behielten die Truckfassen/ dar vonn zū essen  
das amder alles warff man auß zū dem vestern vndter das  
volck so auff dem plaz stund/vñ weret also die malzeyt bis  
vmb vier vñ nach mittag. So wart für Kō. Kō. maie statt  
herberg ain prunnen auffgericht/darauff ain Adler/vnd zū  
baiden seyten zwen löwen/den lieff der wein zū der prust aus  
Zuff der andern seyten dargegen vber priet man einen gange  
ochsen/darinen vil andre klaine thier/die reckten ire kopf dez  
ochsen zū der seyten auß/vnd so baldt man dem Künig dar  
vonn geschnitten het/was der ochs yderman frey. Da nū  
die malzeyt ergieng/namen die Chürfürsten die Kō. Königs  
lich maie. vnd fürten in in das Rathauß herab/vñ vber den  
plaz/all zū füßen in seinem lehen gewandt vñ kron/ auch die  
Chürfürsten in iren Chürfürstlichen klaydügen/wie sy dan  
den ganzen tag darin gessen vnd auß der kirchen gezogen  
waren/durch das klayn geflein/vnd vmb vnser lieben frau  
en kirchen in sein herberg was ain pancket bereit/da thāt sein  
Kō. maie. vñ die Chürfürsten ire habit ab. Nach dem selbē  
zoch ydermā in sein herberg/habt ir zū ermessen ob dy Kō.  
maie. vnd die Chürfürsten nicht mued gewesen seyen. Dar  
nach an dem. xiiij. tag thet man nicht annderst/dan das die

Chürfürsten zu der Rō. maie. in die herberg giengē mit irer  
maiestat zu handeln/vnnd den abschied auff Coln zu nemen  
Darnach den xxv. tag Octobris zu morgen vmb acht vñ/  
rit die königliche maiestat wider zu vnser lieben frawen kir/  
chen das ampt zu hörn/vñ gieng ir maiestat auff den thurn  
in die Capellen zu dem grossen hayltum das ir maiestat selbs  
gesehen hat/das trug man im herfür/wie man das allemall  
in sibenden jar pflicht zu zaygen/vñ sonders auch das wunde  
lein/darein Maria Christū vnsern herrn in dy krippen gelegt  
hat. Nach dem selben das tūch/darauff man sant Johans  
den tauffer enthaubt hat. Zu leyst pracht man das tūch/das  
Christus vnser herr an dem Creutz an seiner manlichait ge/  
habt hat/vñ damit bedeckt was. Fürwar köstlich hailtumb  
das wol vñ andechtig zu sehen ist. Vnd wan man ain stuck  
herausz zaiget/waren der Rō. maie. Trümer verordnet/sol/  
lichs anzuplasen vñ zuwürdigen. Da nūn das hayltum gar  
gezaigt ward/hört die Rō. maie. das ampt. Vnd nach dem  
selben wardt öffentlich außgeschryen/mit den Trummeten  
auffgeblasen/vnd publicirt Bābſlicher hailigkeit bewillig  
gung/also/das die Rō. maie. den Tittel erwelter Rōmischer  
kayser annemen möcht/das auch beschach/vñ sein Rō. ma.  
ist auff ain mal Rōmischer künig vnd Kayser worden. Dar  
die Kayserlich maie. aber Ritter schlag/vnnd ritt darnach  
hynfür auff das Rathausz/empfieng die pflicht von der stat  
Ach/wie sich gepürt hat. Als sollichs geschehen was/ruffte  
die heroldten auß etlich artickel/vñ warffen abermalē gelt  
auß vnnder das volck/damit schid mäinglich von dannen  
in sein herberg/sich den selben tag rüsten auff Coln zu.

Faint, illegible text, possibly bleed-through from the reverse side of the page. The text is arranged in approximately 20 horizontal lines across the page.